

Spørsmål til administrasjonen frå Tone Mjelde/ Osterøy SV datert 08.05.20.

1. Sårbare barn har ikkje fått det tilbodet dei har rett på i korona-epidemien konkluderer ein rapport frå regjeringa si koordineringsgruppe. Dei vurderer at mange tenestar reagerte med for sterke tiltak og at tenester som skal hjelpa barna og familieane vart sett på heimekontor utan kontakt med familieane. Kva tilbod har barn og unge på Osterøy hatt frå 12.mars og til i dag, og kva vert gjort for å opne tenestane slik at desse barna kan få hjelp.

Tilbakemelding frå Familiens hus

Familiens hus starta 12. mars eit tett samarbeid med skular og barnehagar for å sikre sårbare barn og unge. Det vart utarbeidd ein plan, som er vedlagt dette dokumentet. Me opplevde i denne perioden at oppvekst sto samla rundt å ivareta alle barn i ein krevjande periode, og spesielt dei sårbare. I dag har me stort fokus på å normalisera alle hjelpetenestene til barn og unge i kommunen. Bruk av heimekontor og digital kontakt med brukarane nyttast no berre der det er strengt naudsynt, anten for å sikra smittevern eller for å få gjennomført effektive prosessar. Nedanfor vil barnevern og Barn og Familieteamet også gje egne svar på dette spørsmålet.

Tilbakemelding frå barnevernstenesta:

Barnevernstenesta har sidan 12. mars jevnleg gjennomført risikovurderingar ifht kva familiar som til ein kvar tid har måtta vorte prioritert.

Første veka vart tiltak som fritidskontakt, besøksheimar, tilsynsførar og samvær stoppa. Dette for å få iverksetja naudsynte smittevernråd før gjennomføring av dei ulike tiltaka var tilrådeleg. Tiltaka vart så gradvis opna opp igjen. Barnevernstenesta vurderte at fleire familiar hadde behov for utvida avlastningstiltak. Dette vart iverksett både i tiltakssaker og ifht fosterbarna våre.

Barnevernstenesta tok kontakt på telefon og SMS med unge/ungdom og opplevde det som hensiktsmessig. Kontakten med foreldre var i oppstarten via telefon og møter på Teams. Der det var mogleg vart det gjennomført samtalar med barn og unge ved at ein møttest ute og gjekk tur saman. For nokre av barna vart det utover i perioden gjennomført samtalar på skulen.

Barnevernstenesta oppretta raskt kontakt med barnehagane og skulane. Desse har i denne perioden hatt ein sakshandsamar ved barnevernstenesta å forholde seg til ved behov for drøfting og evt bekymringar rundt barn. I denne kontakten var det eit mål å sikre at barn med tiltak gjennom barnevernet fekk tilbod om eit dagtilbod. Barneverntenesta kontakta foreldre og oppfordra dei til å nytta seg av tilbod om plass i barnehage og tilbod på skulen. Barneverntenesta opplevde eit godt samarbeid med skular og barnehagar, med få unntak.

I første tida etter 12. mars var det ein stor nedgang i nye bekymringsmeldingar. Dette er i samsvar med dei fleste andre barneverntenester. Antal bekymringsmeldingar har etter dette auka til eit normalt nivå.

Barnevernleiar har i denne perioden rapportert til Fylkesmannen om stoda i tenesta.

Fylkesmannen har gjennomført møter med barneverntenestene i Vestland der vi har fått informasjon og sjølv informert kvarandre og Fylkesmannen om korleis ein har handtert situasjonen i tenestene.

Opplysningar frå andre barneverntenester viser eit samsvar med slik Osterøy barnevernteneste har løyst oppgåvene og korleis ein har gjennomført prioriteringar. Ei utfordring i denne tida har for fleire av tenestene vore arbeidet med familievald, så også for Osterøy. Saker som vi hadde

informert politiet om og som det har vorte beslutta tilrettelagte avhør ved Statens barnehus vart stoppa ein periode. I desse sakene gjennomførte barnevernstenesta ei risikovurdering saman med lokalt politi. Ulike forhold i desse sakene gjorde at barna som det gjaldt ikkje var i ein særts utsatt situasjon i det samfunnet vart stengt ned.

Barneverntenesta har opplevd utfordringar ifht å iverksetja nye tiltak i denne tida. Også innanfor dette området har det vore gjennomført risikovurderingar og det har i desse sakene vore prioritert å ha kontakt med barnehagen og skulen til desse barna.

Barnevernstenesta har jobba på heimekontor og erfart at svært mykje av arbeidet har kunna halde fram som før. Ein vurderte likevel at det så raskt det let seg gjere, var naudsynt å få gjennomføre fysiske møter i einskilde saker. Fysiske møter kunne likevel verta avlyst utifrå smitteråda som vi var pålagt å følgje. Samstundes opplevde vi at einskilde møter kunne gjennomførast på Teams. Det har vore svært viktig for barnevernstenesta å ha eit system som skulle unngå sjukdom i tenesta. Vi har gått i team på to, hatt delte dagar på kontoret for å unngå evt. smitte mellom oss.

I møte med Fylkesmannen den 06.05.2020 oppfordra Fylkesmannen om å opne for fysiske møter opp mot gjeldande smittevernreglar. Denne anbefalinga har og vert no gjennomført av barnevernstenesta.

Tilbakemelding frå Barn og Familieteamet:

Barn og Familieteamet vart som mange andre sett på kontor da Norge stengte av. Før vi gjorde dette vart det teke ei evaluering på hvilke familiar som kunne klare seg utan tett oppfølging dei neste vekene, og kven som ikkje vil klare seg utan rettleiing frå oss. Dette resulterte i at nokre familiar hjå tenesten har hatt tett og fysisk kontakt med oss gjennom heile perioden. Andre har fått rettleiing over telefon og nokre gjennom videokonsultasjonar. Tenesten har hatt lav terskel for kontakt med våre innbyggjarar, både dei som er i tenesten no og nye. Tenesten har også bidratt til informasjonsarbeid, eks videoar på kommunen si heimeside.

Undervegs har tenesten stilt seg til disposisjon for dei andre tenestene i Familiens hus for å komme innbyggjarane i møte. Dette på tross av at tenesten har hatt redusert kapasitet, ein slutta i tenesten 4 mai, sjukemeldingar, samt vore fullbooka før epidemien.

Fra 27 april har tenesten hatt normal drift. Dvs at vi igjen har vore på kontora våre og drifta tenesten slik som før epidemien, men med smittevernstiltak.

2. I eit innlegg på Facebook formidlar helsestasjonen at dei skal tilbake til normal drift no, men at ingen av helsesjukepleiarane skal tilbake til skulane før skoleslutt dette året. Kva konsekvensar opplever helsestasjonen dette får for barn og unge?

Tilbakemelding frå helsesjukepleiarne.

Etter at skulane vart stengde 12.mars, tok helsesjukepleiarane kontakt med:

- familiar ein visste hadde ekstra utfordringar. Ein del av dei har hatt oppfølging heile perioden, andre fekk tilbod om å ta kontakt ved behov for samtale/støtte.
- Hatt mail/telefonkontakt med rektor/lærer ved behov

Etter at skulane opna igjen, har helsesjukepleiarane ikkje vore på skulen for «drop-in» tilbod, men laga avtalar med lærar/foreldre/eleva etter behov. Samtalane har funne stad på helsestasjonen eller på barnets skule.

Det har vore samarbeid mellom tenestene (barn- og familieteamet / barnevern / helsestasjon) for å sikre at familiar som treng/ønskjer bistand, får det.

Tilbodet frå skulehelsetenesta har vore sterkt redusert i og med at våre helsesjukepleiare vart overført til koronateamet. Vi ser at det er vanskelegare for barn og unge å ta kontakt med oss når vi ikkje er så synlege lengre. Det kan vere av ulike grunnar; dei veit rett og slett ikkje kor dei skal nå oss, vi har ikkje hatt open dør i denne perioden, vi har ikkje i tilstrekkeleg grad klart å formidla til gruppen kor dei kan finna oss, vi har viet all vår arbeidskraft til koronateamet, det kan vere vanskeleg for barn og unge å ta kontakt sjølv. På tross av at helsestasjonen har gått ut med at vi er tilgjengelege i heile koronaperioden, ser me at få/nesten ingen tek kontakt utan at vi er tilstades på skulane.

Vi er nå klar til å opne opp meir, samtidig som vi fram til sommaren ikkje vil vere fysisk tilstades på skulene forutan særskilte avtalar og vaksining. Vi vil derfor opne opp meir på sosiale medier for å gjera oss synlege slik at vi betre når ut til barn og unge og gjer det lettare for dei å ta kontakt med oss.

Mange barn kan ha hatt det tøft i koronanedstenginga både i forhold til vanskelege familiesituasjonar og mangel på samvær med venner. Angst og depresjonar kan for nokre ha blussa opp i denne tida. Helsestasjonen tenkjer derfor at fleire vil ha behov for nokon å snakka med for å få hjelp til å handtera både følelsar og situasjonar som har oppstått.